

**HUGONENC (Bertrand), notaire de Villemur (Villemur-sur-Tarn),
minutes 1683-1686, Archives départementales de la Haute-Garonne,
cote 3 E 26988, f° 285 & ss., PH/JCHR/1030247.**

285.

]d. r. [

Extatux sargers de villemur

L an mil six cens quatre vingtz cinq et
le **premier** jour jour (*sic.*) du mois de **septembre**
dans ma boutique a villemur &a regnant
louis &a pardevant moy no(tai)re royal soubz(sig)né
et presans les tesmoings bas nommés
ont estes en leurs personnes jean esquie
jeune, francois riviere pierre chaubard
mathieu laporte pierre esquie, francois
goudouly pierre gourdou pierre melines pierre
vezia, anthoine vezia, jean chaubard anthoine
pendaries jean boye jean pierre crouzailhes
pierre bar, pierre pontie jean rouzet alexis
vigouroux, guillaume chaubard pierre bosc
jean cailhassou du lieu du born pierre
gourmanel pierre esquie lesd(its) mestres ayant
nommés et aprouvés pour leurs bailles
scavoir est pierre chaubard vieux et françois
lasserre les tous maistres sargers habitans
dud(it) villemur confraires de **la confrerie de
s(ain)t louis** ont ont fait et convenu les extatux
suivans de lad(ite) confrerie qu ilz veulent qu()ilz
soint gardes a()l()advenir et ont requis moy d(it)
no(tai)re les leur retenir en la forme susd(ite) et
maniere que s ensuit premieremant ilz ont
convenu et arresté que **le vingt cinquiesme**
jour du mois d **aoust** et **feste s(ain)t louis**
ilz solempnizeront icelle et que pour
cest effaict ons s abstiendra de tout
travail durant led(it) jour plus ilz acisteront
a la procession qu()il ce fera led(it) jour ou tous
les confraires y seront marchant de deux a
deux avec tout le zelle et devotion possible
item est accordé et arresté que led(it) jour
et feste s(ain)t louis lesd(its) confraires

.....
acisteront a la grand messe quy sera celebree
par monsieur le curé ou tel autre p(rest)bre
quy fera la fonsion avec diacre sur diacre
et qu()a l(h)heure ord(inai)re ilz acisteront a vespres
et autres offices quy seront celebres dans

lad(ite) esglize, de plus est convenu et arresté
qu()ilz choisiront toutes les annees deux
bailles quy seront nommés par les antiens
bailles et approuvé par tous les confraires
de plus est convenu et arresté que lesd(its) bailles
nommés escriront et feront maistre par escript
toutes les personnes quy voudront estre de
lad(ite) confrerie et qu()ilz recevront ce quy plairra
auxd(its) confraires de donner pour leur droit de
reception pareilhem(en)t a esté dit et arresté que tous
les confraires bailheront annuellement
pour l()entretien de lad(ite) confrerie la somme de
solz et le dima(n)che auparavant
lad(ite) feste s(ain)t louis qu()ilz payeront auxd(its)
bailles quy ce trouveront en charge pour les
fraix qu()il conviendra faire, de plus lesd(its)
bailles lors qu()ilz seront sortis de charge seront
en obliga(ti)on de randre compte aux bailles
quy seront nommes et approuvés et en
presance de tous lesd(its) confaires, de plus
est arresté et convenu que lesd(its) bailles lors
qu()ilz sauront qu()il y aura aucun confraire de
malade ou de leur maison ilz auront le
soin de le faire confesser et de luy faire
administrer les sacreamntz et de faire
ornier la salle pour luy faire apporter le
s(ain)t sacrement et seront en obliga(ti)on d apporter
les chandelles quy seront de lad(ite) confrerie et
que le poille sera apporté par lesd(its) bailles
et les flambeauc par deux des confraires
et en advertiront lesd(its) confraires affin
d acister et accompaigner le tres saint

.....

286.

sacrement et de plis est arresté que quand
quelcun desd(its) confraires ou de leur maison
viendra a deceder bailleront les lingers pour
aporter le cromptz (*sic. Lire corps*) du deffunt ou deffunte et
aussy advertiront tous lesd(its) confraires et
autres d acister a()l()enterremant du cromptz a esté
de plus convenu et arresté que lesd(its) bailles
prieront m(onsieu)r le cure ou ces vicaires
de les advertir le dima(n)che auparavant lad(ite)
feste s(ain)t louis et liront les presans extatux
au()prone d icelle et a ces fins ons priera
ceux quy ne seront pas de lad(ite) confrerie qu()ilz
n()ayent point a travailler de (au)quene maniere
que ce soit led(it) jour et feste s(ain)t louis et que
en cas il y en auroit aucun quy passeroit

oultre led(it) corptz d assemblee a deslibere quy
 sera condempné a dix solz d amande pour
 l entretena(men)t de lad(ite) confrerie que lesd(its) bailles
 auronct soin de ce faire payer et en cas les
 contrevenans ne voudroint payer volontairem(en)t
 lad(ite) amande de dix solz lesd(its) bailles les conviendront
 en justice aux despans de lad(ite) confrairie, plus
 et finallem(en)t est arresté et convenu que tous
 les aprentis soient estrangers et autres quy
 feront leur aprentissage dans lad(ite) ville
 ilz seront tenus de bailler pour l()entretien
 de lad(ite) confrerie dix solz comme aussy
 bailleront les garçons quy travailleront
 dans lad(ite) ville cinq solz le()tout pour
 l()entretien de()lad(ite) confrerie qui sera payé par
 les maistres quy seront en obliga(ti)on de le
 leur rettenir, le tout soubz le bon plaizir de
 monseigneur l illustrissime et reveranddissime
 esvesque de montauban ou des messieurs
 ces vicaires genraux qu'ons les suplira
 d avoir pour agreable les presans extatux

.....

et d y donner leur consantem(en)t, et pour ce
 dessus tenir garder et observer parties en
 ce que les regarde ont obligés tous et
 chacuns leurs biens qu'ont soubzmis
 aux rig(e)urs de justice et l ont juré presans
 pierre rigaud cord(onni)er et pierre bromet
 tailleur d()habitz habitans dud(it) villemur
 signes lesd(its) riviere cailhassou, vezia chaubard
 esquie, esquie et autres les autres mestres
 ont dict ne scavoir et moy no(tai)re requis.

Riviere		Chaubard
Vezia	Esquie	Esquie
Boye	Cailhassou	Esquie
Goudouly	Rigaud	Bromet
	Hugonenc,	no(tai)re